



Broj: 01/5a- /18  
Sarajevo, 21.3.2018.

PRIMLJENO:			
Organizaciona jedinica	Klasifikaciona jedinica	Dan	Broj priloga
01/5 - 05-1-	854/18	30-03-2018	

**INFORMACIJA  
о сastanku s predstavnicima regionalnog projekta  
“Подршка javnim medijskim servisima na Zapadnom Balkanu”,  
Sarajevo, 21.3.2018.**

Predstavnici regionalnog projekta “Подршка javnim medijskim servisima na Zapadnom Balkanu” (u dalnjem tekstu: projekt) 5.3.2018. uputili su dopis predsjedavajućem Komisije za saobraćaj i komunikacije Predstavničkog doma i prvom zamjeniku predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda, te predložili održavanje sastanka kako bi ih upoznali s realizacijom projekta, uzimajući u obzir značaj parlamentarnih komisija za funkcioniranje Javnog radiotelevizijskog sistema u Bosni i Hercegovini, kao i da su ove komisije indirektni korisnici projekta.

U skladu s navedenim, sastanak je održan 21.3.2018., u zgradи Parlamentarne skupštine BiH, s početkom u 13,35 sati.

Sastanku su prisustvovali:

- Sead Kadić, prvi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda, Nenad Pandurević, sekretar Komisije;
- Momčilo Novaković, predsjedavajući Komisije za saobraćaj i komunikacije Predstavničkog doma, Ahmed Jalovičić, sekretar Komisije;
- Vojislav Raonić, vođa tima projekta, i Željka Lekić-Subašić, zamjenica vođe tima.

U uvodnom obraćanju Momčilo Novaković zamolio je goste da ukratko obrazlože bitne detalje u vezi s realizacijom ovog projekta.

**Vojislav Raonić** istakao je da projekat finansira Evropska unija i da će biti realiziran u periodu od 1.2.2018. do 31.7.2020., te da je glavni cilj projekta doprinos reformama i profesionalnom razvoju medijskih javnih servisa na Zapadnom Balkanu, kako bi se podstakla

produkција pluralističkog, nezavisnog i vjerodostojnog programskeg sadržaja. Dodao je da su korisnici projekta šest javnih medijskih servisa u Albaniji, Bosni i Hercegovini, na Kosovu\*, u Crnoj Gori, Makedoniji i Srbiji, kao i parlamentarna tijela nadležna za medije, regulatorne agencije i upravna tijela javnih medijskih servisa.

U nastavku je informirao prisutne da projekat ima tri komponente, te da se komponenta 1 odnosi na politički nivo, čiji je cilj ponovo uspostaviti evropske standarde i najbolju praksu u regionu Zapadni Balkan kao zajednički referentni standard za nezavisne i profesionalne medije, kako u pogledu modela finansiranja tako i u pogledu izbora i funkcioniranja upravnih tijela javnih medijskih servisa. Komponenta 2 odnosi se na unutrašnje kapacitete medijskih javnih servisa, a cilj je pokrenuti unutrašnje reforme koje će omogućiti najveće profesionalne standarde i ekonomičnost u radu javnih medijskih servisa Zapadnog Balkana, te uspostaviti saradnju između šest medijskih javnih servisa. Komponenta 3 odnosi se na podršku razvoju programskih sadržaja, jer je neophodno unaprijediti programske sadržaje javnih medijskih servisa Zapadnog Balkana, te proširiti saradnju na polju istraživačkog novinarstva i podstići regionalnu razmjenu digitaliziranog arhivskog materijala.

**Momčilo Novaković** upoznao je goste sa specifičnostima funkcioniranja javnih servisa u Bosni i Hercegovini i poteškoćama koje se javljaju prilikom primjene zakonskih rješenja za ovo važno pitanje. Ukazao je da se naplata RTV takse ne vrši u skladu sa zakonskim propisima, te da se kasni s realizacijom projekta digitalizacije javnih servisa u Bosni i Hercegovini. Međutim, naglasio je da bez obzira na postojeće probleme ovakva vrsta projekta može itekako pomoći Bosni i Hercegovini u procesu njenog prilagođavanja evropskim standardima, te je izrazio punu podršku ovom projektu.

**Sead Kadić** je, govoreći o značajnoj ulozi nezavisnih javnih servisa, istakao da su parlamentarne komisije koje se bave ovom problematikom spremne podržati i sarađivati kako bi ovaj projekat rezultirao konkretnim pomacima i jačanju javnih servisa u Bosni i Hercegovini.

Sastanak je završen u 14,10 sati.

SEKRETAR KOMISIJE

Ahmed Jalovičić  
*Jalovičić A.*

\*Ovaj naziv je bez prejudiciranja stavova i u skladu je s Rezolucijom Vijeća sigurnosti UN-a 1244/1999 i Mišljenjem Međunarodnog suda pravde o kosovskoj deklaraciji o nezavisnosti

Dostavljen:

- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za saobraćaj i komunikacije Predstavničkog doma
- a/a